

Ñembohovake Añete oikótava

1594/1442

Ñande rekove yvy ape ári heta jey iñapañuâi. Sapy'ante jajekeha jaipotágui opavave ñande trata porâ ha opavave upéicha ojapova'erä. Ñande jaikuua ko yvy ape ári ndaiporiha tekojoja, jaguerovia ha ñaha'arô umi mba'e ÑANDEJÁRAgui añaite, pe lñe'ê La Biblia rupive jaikuua upeichaha.

Ñandejára Imba'eporâ ha Imangaratu, HA'É hekojoja. La Bíbliape hesakâ porâ ñanembo'évo Ñandejára hekojojaha.

Tekotevê ñanemandu'a, Ñandejára ñande poriahurerekógui ndohepyme'êi ñandéve ñane rembiapo vaikue omereseháicha hekopete. Ñandejára Hekojoja. Mokôive mba'e: hekojoja ha iporahuvereko. Ko'â mba'e: tekojoja ha porahuvereko, ombokatuete ÑEMBOHOVAKE AÑETE OIKÓTAVA.

Heta jey ko'ê ko'ére jaikuua voi mba'épa jajapova'erâ. Tavakuéra peteîteî oreko ley ha jepokuaa, maymáva ndojapóiva ley-pe he'íva oha'arôva'erâ ñembyepoti. Upéicha avei, Ñandejára oguereko hembiapoukapy ha hembipota. Ndajajapóirô Ñandejára rembipota, pe Ha'e oipotaháicha, ñaha'arôva'erâ ohepyme'ê ñandéve ñane rembiapo vaikue repy hekopete. Ñane rembiapo porâramo akointe ko yvy ape ári, jagureko py'aguapy ha tekorory, ko'yteve jajapóramo Ñandejára rembipota hekopete ko'ê ko'ére. Ha katu upéicha avei ñanee rembiapo vaírô Ñandejára ohepyme'ëta ñandéve ñane rembiapo vaikue repy.

Profeta Isaías Antiguo Testaméntope, capítulo 24, versículo 17 guive, 23 peve, omombe'u ñandéve Ñembohovake añete oikotaha. Ñamoñe'ëmína:

17. *Kyhyje guasu, yvykua ha ñuhä nde ári, yvypóra!*

18. *Upe okañýva kyhyje guasúgui ho'áta yvykuápe ha pe osëva yvykuágui ho'áta ñuhäme. Yvága rovetä ojepe'áta ha yvy pyenda oryryipáta.*

19. *Okapu, okapu pe yvy, ojekapa pe yvy, ojetvyviro ha ovava pe yvy.*
20. *Ojero'a, ojero'a, oka'úvaicha pe yvy, óga tujakuéicha okacha, ojopy pohýigui chupe iñangaipa, ho'áta opu'äve'ý haguä.*
21. *Upe árape Ñandejára oinupäta mburuvichakuéra yvy ári ha yvagaguápe.*
22. *Umíva ombyaty ha omoingéta yvyrakuápe. Oguerekóta iñembotypy oguahë meve ára oñenupä haguä.*
23. *Jasy hova pytäta ha kuarahy otïta oisämbyhýtagui Ñandejára Ipu'akapáva yvyty Siónpe ha Jerusalénpe. Ha myakäharakuéra ohecháta Ñandejára reko mimbipa.*

Ko haipyrépe añetehápe jajuhu, Ñandejára, omoîha peteî ára ohepyme'ë haguâ hekopete ñane rembiapokuérare. Tekotevê jajesareko porâ.

NDAIPORIMO'ÂI PA'Û OÑESË HAGUÂ, avave ndaikatumo'äi okañy, upévare ikatu iñepyrûhápe ja'e ha ñamombe'u opavavépe oguahëtaha upe ára ñembohovake añete Ñandejára ndive. Ñamoñë'ëvo pe Profeta Isaías ohaiva'ekue, omohesakâ porâ ha ohechauka ñandéve pe kyhyje guasu, yvykua ha ñuha oñembosako'ítava opavave ári. Hesäka haguâicha omombe'u ñandéve okyhyje ha okañýva ho'átaha yvykuápe térra ñuhäme. Ágâ katu pe ñuhä ha'e hína ojeity haguâ mymbakuéra.

Pe Profeta Isaías oñeha'â péicha omombe'u ñandéve pe oikótava katuete. Ikatu haguâicha jaikuaa oguahë mboyve, ndaiporimo'äiha pa'û ñakañy haguâ upe ñembohovake añetéva oikótavagui Ñandejára rovake.

Yvága rokê ojepe'á gueteri ha Ñandejára pokatúgui mba'eve nokañýi. Jaguerovia añeteva'erä ndaikatumo'âiha avave ohasa oñembohovake'ýre. Oíramo okañyséva oh'aarô chupe peteî yvykua térra ñuhä, ani haguâ avave he'i térra oimo'ä okañytaha, ndaipóri pa'û oñesê haguä, oñembotypáta.

Hi'â chéve hesakâ porâ ndéve guarâ ko Profeta Isaías he'íva: “*Upe okañýva kyhyje guasúgui ho'áta yvykuápe ha pe osëva yvykuágui ho'áta ñuhäme*”. Ha'e jeýta, ko añetetegua tekotevë hesakâ porâ ndéve. Añetehápe oikóta ñembohovake Ñandejára ndive, he'ise avave ndaikatumo'âi okañy chugui.

YVY JERE JAVEVE OHASA'ASÝTA, kóva ñemoañete pe Ñandejára ñembohovake oikotaha katuete. Oñepehe'âta heta hendápe ha tuicha ohasa'asýta ko yvy. Profeta Isaías he'i ñandéve versículo 19pe upe oikótava upe rire. Ko yvy ndojeremo'ävéima jepiveguáicha, ojetyvyro ha ovaváta.

Ikatu voi ko yvy ojei kuarahy ypýgui ha ojere ovavávo oka'úvaicha, pe Profeta Isaías he'i ovavataha. Ojetyvyróta, óga tujakéicha okacháta ha oñehundipáta. Angaipa oñembohetágui ipype opytáta mba'eve'yre. Ejesarekomi pe Profeta Isaías he'ívare, mba'éichapa he'i ñandéve: “ojekapa pe yvy, ojetyvyro ha ovava pe yvy”. Péva ha'e ñembohovake añetete oikótava Ñandejára renondépe, ani reimo'â rejuhutaha tenda ikatutahápe rekañy.

OPAVAVE OÑEMOIVA HESE OJEKASTIGATA, péva ha'e pe mbohapyha mba'e omoañetéva upe ojehútava. Profeta Isaías, ohai ha omombe'u añeteha oikóta pe ñembohovake añete. Oî tapichakuéra apytépe oimo'äva ndoikomo'äiha ñembohovake Ñandejára ndive. Ha'ekuéra oimo'â ikatutaha ojehékýi pe ñembohovake oikótavagui. Oimeraêva he'ívape ndohupytymo'âiha chupe pe Ñandejára castigo téerà jehavira, tuicha ojavy. Umi yvateve oîva téerà ojeroviáva ijehe, katuete ohupytýta chupe ñembohovake ára.

Umi myakäharakuéra ohupytyá castigo. Umívape ojejerutéta mba'éichapa osambyhy raka'e gentekuérape. Myakäharakuérape oha'arö ñembohovake. Umi mburuvichakuéra yvateve guive omandáva oñembohovakéta. Ha'ekuéra oñembyatypáta heta ára oîroguáicha ka'irâime, heta ára optyáta yvyrakuápe. Oñemoîngéta chupekuéra ka'irâime ha heta ára rire ojehepyme'êta chupekuéra hembiapokuéra repy. Ani ñambovyrorei Ñandejára ñembohovake. Upéva oikóta añetete.

Oï avei versículo 23pe, Ñandejára ñembohovaképe, opaite mbae oku'epáta. He'i profeta Isaías: “*Jasy hova pytâta ha kuarahy otîta oisämbyhytagui Ñandejára Ipu'akapáva yvyty Siónpe ha Jerusalénpe. Ha myakâharakuéra ohecháta Ñandejára reko mimbipa.*”

Ñandejára oisämbyhyta ha opavave oñemoîva hese ojekastigáta. Umi mburuvichakuéra oñemoîngéta yvyrakuápe mba'e vai apoháicha ha opaite mba'e iñambuepáta Ñandejára oisämbyhy vove, péicha avei anítei avave oimo'â ohasareitaha Ñandejára ñembohovake oikótava; upéva oikóta katuete.

Añetehápe oikóta pe ñembohovake Ñandejára renondépe, upévare tekotevë ha'e jey ndéve: avave ndaikatumo'âi ojehékí chugui, yvy pukukue ojetivyróta ha oñemoîva Ñandejárare ojekastigáta. Ko'â mba'e oikótavare ha'e ndéve angirü che rendúva, eju ko'ágâ Ñandejára rendápe ha Jesucristo rupive ere chupe añetehápe, rembyasyha ne rembiapo vaikue. Eguerovia ha eñemomba'eha pe Jesucristo sacrificio ojapova'ekue kurusúre ne angaipa revehápe ha nde rayhúgui. Erresivi Jesucristope nde Salvador teetéramo. Taupéicha.

